



28.10.2021

UKA2021/154

Aningaasanik peqquserluutunik malunnarunnaarsaasarneq pinerliiniarnernillu aningaasalersuisarneq pinaveersimatinniarlugit iliuuserisassat pillugit inatsisip (aningaasanik malunnarunnaarsaanermut inatsit) Kalaallit Nunaanni atulersinneqarneranik peqqussummik Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut

Siumumiit qujarusuppugut siunnersuut Naalakkersuisumit saqqummiunneqarmat.

Siunnersuut tunngaviatigut Siumumiit tamakkiisumik taperserparput, taamaak oqareerluta naatsumik imak oqaaseqarfigissavarput.

Oqangajakkaluarpunga nunarsuarmioqataaleriartornitsinni, uffalu qangarsuarli nunarsuarmioqataalluta.

Una inatsisissatut siunnersuut tassunga sammisamut aallaaveqalaarpoq, nunarsuarmioqatitsinni peqquserlunnerit assigisaallu allanngoriartorneri ilutigalugu inatsisit aamma nutartigassanngortarnerinut nunatsinni malinnaatitsiniaanerummat.

Taamaaliornikkut qulakkeerniarneqarpoq peqquserlunnerit nunatsinnut appakaatissagaluarpata nunarput inatsisitigut piareersimalernissaa.

Taamak Siumumiit naatsumik oqaaseqarluta siunnersuut ataatsimiisitaliamut susassaqartumut ingerlateqqipparput.

Hans Peter Poulsen, Siumut